



Nezavisna komisija za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud sa zakonom Bosne i Hercegovine

Broj/Број: 05/6-50-13-241-23-5/12

Sarajevo/Сарајево, 6.6.2012.

Z A P I S N I K

23. sjednice Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina, ili drugi sud u skladu sa zakonom Bosne i Hercegovine

(u daljnjem tekstu: Nezavisna komisija),

održane 6.6.2012., s početkom u 12 sati

PRISUTNI ČLANOVI NEZAVISNE KOMISIJE: Mile Lasić, Semiha Borovac, Predrag Crnogorac, Milana Škipina i Damir Čačković.

OSTALI PRISUTNI: privremeni sekretar Nezavisne komisije Eldina Smilagić.

Sjednicu je otvorio i njom predsjedavao predsjednik Nezavisne komisije Mile Lasić.

Za sjednicu je predložen sljedeći

D N E V N I R E D

1. Usvajanje Zapisnika 22. sjednice Nezavisne komisije;
2. Informacija o usvajanju Izvještaja o radu;
3. Utvrđivanje Plana aktivnosti do kraja tekuće godine;
4. Tekuća pitanja.

Ad.1. Usvajanje Zapisnika 22. sjednice Nezavisne komisije

Zapisnik 22. sjednice Nezavisne komisije usvojen je jednoglasno, s tim da tačke Ad.2. i Ad.3. treba brisati jer o njima nije ni raspravljano, da se u zapisniku s drugog dijela sjednice treba navesti da je riječ o nastavku sjednice, te da Nezavisnu komisiju osim finansijskih prate i organizacioni problemi.

Ad.2. Informacija o usvajanju Izvještaja o radu

Nezavisna komisija primila je na znanje zaključke koje je usvojio Predstavnički dom PSBiH na 28. sjednici, a koji su dostavljeni Predsjedništvu BiH, Vijeću ministara BiH, Ministarstvu pravde BiH i Sudu BiH.

U okviru ove tačke dnevnog reda predsjednik Nezavisne komisije ukratko je upoznao prisutne kako je proteklo usvajanje Izvještaja o radu Nezavisne komisije.

Ad.3. Utvrđivanje Plana aktivnosti do kraja tekuće godine

U vezi s ovom tačkom dnevnog reda, predsjednik Nezavisne komisije predložio je da se utvrdi plan posjeta za naredna dva mjeseca jer je ostalo malo vremena do početka sezone godišnjih odmora. U naredna dva mjeseca potrebno je posjetiti KPZ Zenica i KPZ Banja Luka.

Nakon kraće rasprave, dogovoreno je da se najavljena i detaljna posjeta KPZ Zenica organizira 15. i 16.6.2012.

U najavi posjete treba navesti da je potrebno osigurati prisustvo svih lica koja je osudio Sud Bosne i Hercegovine, kao i pritvorenih lica za koje je mjeru pritvora izrekao Sud Bosne i Hercegovine a koji se nalaze u KPZ Zenica. Za nesmetan rad Nezavisne komisije potrebno je osigurati dvije prostorije za povjerljive razgovore.

U okviru ove tačke dnevnog reda Nezavisna komisija jednoglasno je donijela sljedeći

ZAKLJUČAK

Ministarstvu pravde BiH treba uputiti dopis kojim će se tražiti dostavljanje ažuriranog spiska osuđenih i pritvorenih lica u KPZ Zenica za koja je nadležna Nezavisna komisija.

Ad.4. Tekuća pitanja

U okviru ove tačke dnevnog reda drugi zamjenik predsjednika Predrag Crnogorac upoznao je prisutne da je stupio na snagu Pravilnik o izmjenama i dopunama Pravilnika o kriterijima za upućivanje osuđenih lica na izdržavanje kazne zatvora („Službeni glasnik BiH“, broj 37/11) u kojem je predviđeno da, prilikom donošenja odluke o premještanju zatvorenika, ministar pravde nije vezan za utvrđenu kategorizaciju zavoda, osim u slučajevima posebno određenim u zakonu.

Predsjednik Nezavisne komisije Mile Lasić zaključio je sjednicu u 14 sati.

PRIVREMENI SEKRETAR

NEZAVISNE KOMISIJE

Eldina Smailagić

PREDSJEDNIK

NEZAVISNE KOMISIJE

dr. sc. Mile Lasić